

Handwritten text on a small piece of aged paper attached to the left edge of the book cover.

AB
153 493



225

Le. 59

Theologie
N. v. 96. 437



Christliche Bekantnis /
Vom Hochwirdigen Abendmal des waren
Leibs vnd Bluts vnsers HErrn IHE SV
Christi / so wol der Vereinigung der Göttlichen
vnd Menschlichen Natur in dem HErrn
Christo / Auch seiner Himelfart vnd
sitzen zur rechten des Vaters :

Des
Durchlauchtigen Hoch-
gebornen Fürsten vnd Herrn /
Herrn Georgen Herzogen
inn Schlesien / zur Pignitz vnd
Briegk / ꝛc.

Den Herrn Theologen, Pastorn, Prædicanten
oder Lehrern des Seligmachenden Euangelii / inn
seiner S. G. Lande sich darnach Einmütiglich zu richten / in
zweyen Abschieden / als den Ersten zu Strelen / den 15. Janu:
des **1573.** Vnd den andern zum Briegk /
den 10. Decemb. des **1574.** Jars /
vbergeben.

2. Johan. 1.

Wer vbertrit / vnd bleibt nicht inn der Lehre
Christi / der hat keinen Gott.

Ex Liber J. A. No. 1626



L57,

7.
Von Gottes gna-
den / Wir Georg
Herzog in Schlesien / zur Signis vnd
Briegk / 2c. Bekennen vnd thun
kund vor jedermenniglich :

Dennach sich an etlichen genachbar-
ten Orten (doch aufferhalb vnserer Lande)
vor wenig Jaren / newe subtile Disputationes erhas-
ben / daraus mancherley irriger Bahn / nicht ohne
ärgermis vnd betrübnis der Gewissen / inn die
Kirchen eingefüret kan werden : So haben Wir
doch allen möglichen fleis vorgewendet / solchem
obel vorzukommen vnd zuuorhüten / Damit ders-
gleichen vnnötige Newerung / bey vnseren Kirchen
vnd Schulen vormieden würden / Haben auch
dem lieben GOTT / der seine gnade vnd segen
hierzu verliehen / höchlich zu dancken / das Er vn-
sern angewandten fleis nicht ohne frucht hat las-
sen abgehen / Vns auch Prædicanten vnd Lehrer
verliehen / so den friede vnd warheit lieben / vnd
dem Ergernis abbruch zu thun sich befließen.

A ij

Demnach

Demnach Wir aber jetzt berichtet/ als wolte
zwischen den unsern wes dero gleichen entstehen/
So haben Wir die vornemen Personen unser
Kirchen vnd Schulen/ auff die zeit zu Uns er-
fordert/ darmit Wir vns nach Rath derselbigen/
aller sachen gelegenheit/ gründlich vnd warhafftig
erkündigen möchten.

WEil aber zu befinden/ das vber alle alte
srit/ so zuvor wegen des Hochwirdigen
Nachmals unsers lieben HErrn Jhesu Christi
gewesen/ Abermals vor wenig Jahren/ newe
Scribenten vnd Disputatores entstanden/ darüber
sie auch inn schwere vnd vnergründliche Disputa-
tiones, wegen der Person des HErrn Christi/ vnd
seinem sitzen zu der rechten des Vaters/ einge-
nommen/ deren Bücher vnd Schrifte numals/ nicht
ohne verwirrung vieler Leute/ fast vberal vmbge-
tragen vnd außgesprengt werden. So were
Uns doch nicht lieb/ das auß vorursachung sol-
cher newerung/ einige new irriger Wahn/ lehr/
oder meinung/ so nicht inn den Prophetischen
vnd Apostolischen schrifften/ vnd approbirten
Symbolis/ deren grund vnd Inhalt inn der
Augspurgischen Confession vnd ihrer Apologien,
inn dem Corpore Doctrinae, inn der Kirchen
des

des Churfürsten zu Sachsen landen / inn der
 Meckelburgischen Agenda, inn den Scriptis Luthe-
 ri/ vnd was hiemit stimmet / begriffen/ eingefü-
 ret solte werden.

So dann vormöge derselbigen/ in dem Nachto-
 mal des **H E X X E N** / laut der wort der
 Einsetzung / der ware Leib des **H E R R E N** Christi/
 der für vns gegeben / vnd sein wares Blut / das
 für vns vergossen ist/ außgeteilet vnd dar gereicht
 wird: So wollen Wir auch noch/ das solches
 laut der Einsetzung / vnd vormöge seiner Allmech-
 tigen warhafftigen wort / schlecht vnd einfaltig/
 ohne einfürung anderer Glosen vnd deutungen/
 sol gebraucht vnd verstanden werden.

Vorwerffen vnd schaffen ab alle vorwitzige
 Fragen/ wie solches möglich / weil die krafft dies-
 ses heiligen Sacraments / nicht aus einiger Vbi-
 quitet, oder anderen Menschlichen speculationibus,
 sondern bloß aus den worten des **H E R R E N** Christi
 muß genommen werden.

So viel aber die Person des **H E R R E N** Christi
 betrifft / Dieweil biß anhero / inn vnsern
 Kirchen/ nützlich vnd mit grossem trost der Zuhö-
 rer/ gelehret ist / Das der **S O N** Gottes in dem
 Leibe der Jungfraw Marien/ durch vberschattung
 A iij des

des Heiligen Geistes / ware Menschheit an sich ge-
nommen / vnd ist worden Fleisch von unserem
Fleisch / vnd Bein von unseren beinen / doch ohne
Sünde / Vnd ist also inn einer unzertrennlichen
Person / warer Gott vnd warer Mensch / welches
die Christliche Kirche Vnionem personalem seu
Hypostaticam nennet. So hat auch dieser ganze
Christus / das werck des verlornen Menschlichen
heils vnd Seligkeit / erworben vnd herwider
bracht : Denn weil es einem Menschen unmög-
lich war / ein solch groß werck / nemlich den Zorn
Gottes zu versöhnen / vnd das Hellsche reich /
samt dem ewigen Tode / vnd ihrem anhang / zu
überwinden / So hat er die weise vns zu gut für-
genommen / vnd mögen Christlich vnd recht sagen /
das der ganze Christus GOTT vnd Mensch /
solch grosses werck außgerichtet hat :

Denn ob es wol war / das die Gottheit nicht
hat sterben können / So ist doch die Menschheit
Christi von der Gottheit auch im tode nicht ver-
lassen / vnd wird diese weise zu reden / genennet
Communicatio Idiomatum in concreto. Derglei-
chen reden sind auch diese / als wenn man spricht /
Deus patitur, moritur : Dieses muß nicht für ein
bloß wort / da nichts an gelegen / geachtet werden.
Vnd irren gar weit alle die / welche es nennen

communio

communicationem Idiomatum verbalem, da nur bloß
das reden der wort gemeinet wird.

Das wir aber auch solten zulassen/ das man
diese vnd dergleichen Reden solte Communicationem
realem nennen/ das haben wir gar wichtig bedens-
cken: Die weil/ wo es absolute gebraucht wird/
eine Confusio naturarum (die etliche Physicam com-
municationem nennen) darauff dann mancherley
Sectiren die thor auffgemacht werden / erbaswet
wird.

Vnd ob Wir wol bericht bekommen / das
man dieses wort dermassen Limitiren vnd circum-
scribiren künde / das es nicht so gar einen gefehr-
lichen verstand behielte: Demnach weil es vor
dieser zeit/ in vnsern Kirchen vnd Schulen wenig
gebraucht / inn der Deutschen Kirchen auch nicht
von nöten/ so wol inn der Augspurgischen Con-
fession, vnd Corpore Doctrinae nicht gebraucht ist/
So wollen Wir auch / zu verhüttung einiger ge-
fahr/ das man sich desselben auch hinforder gen-
lich enthalte. Ob wir wol durch die Communi-
cationem Idiomatum in concreto, nicht blosser worte/
Sondern gewisz ding/ vnd das solche mittheilung
warhafftig geschehe/wollen verstanden haben.

Dem

Dennoch

Matth.
E. v. l. c. 24.
v. 26.

Dennach auch vnser ganzer Christlicher
Glaube bezeuget / das der HErr Christus
nach seinem tode vnd Auferstehung / sey gen Him
mel gefaren / aus diesem sichtbaren Leben / in ein
unsichtbares / vnd sitzet zur rechten des Vaters /
von dannen Er kommen wird zu richten die Lebend
igen vnd die todten: So bezeuget die Schrifft
gewaltig / das er nicht dermassen auffgefahren sey /
damit er an einem gewissen ort gleich angebunden
siße / Sondern das er nu habe eine allmechtige
Regierung / der alles in allem wircket / Denn ihm
ist gegeben alle Gewalt / im Himmel vnd auff Erden /
Derhalben ist vnd bleibt Er bey vns / bisz ans ende
der Welt / Vnd wo ihr zweene oder drey / in sei
nem Namen versamlet sind / so ist er in mittel.
So verstehen vnd glauben wir auch diese Sprüche
von dem ganzen Christo.

So wenig als wir nun glauben einige tren
nung der Person / Also wenig sol hiemit einige
Confusion, oder vormischung der Naturen / ver
standen werden. Vnd ob wol etliche Leute (doch
nicht der vnseren) fürwitzig fragen / wie solches
zugehe / fallen inn die speculationes de vbiquitate,
oder / ob des HErrn Christi Leib zugleich an vie
len orten sein könne: So ist doch solches zu er
forschen wider Gott / der solchen modum praesens
tiae, vns in diesem Leben nicht offenbaret.

Geben

Eben demselbigen nach / vnsern getrewen
 Lehrern in vnsern Landen / beyders inn
 Kirchen vnd Schulen / diesen ernstlichen Befehl/
 deme sie auch vermöge des Göttlichen worts / vnd
 nach erheischung ihres Ampts zu gehorsamen schül-
 dig / das sie sich in diesen artickeln / der obgeschrie-
 benen form / welche Christlich / vnd in Gottes
 wort / auch ihrem selbst Bekänntnis nach / wol be-
 gründet / gleichmässig verhalten: Auch allenthal-
 ben fleissig zusehen / damit kein heimliche Giffte / so
 diesen Puncten / oder andern Artickeln vnser
 Christlichen Glaubens / wie die inn der Augspur-
 gischen Confession vnd Corpore Doctrinae verfasst /
 zuwider / einschleiche vnd eingefüret werde: Sel-
 ber auch für ihre Personen / bey dieser Christlichen
 Lehr / angenommen / vnd erkandten Wahrheit / fleis-
 sig vnd trewlich verbleiben.

Da aber jemanden solches zu wider / der
 wolte lieber vnser Dienst müßig gehen / als
 einige verwirrung in vnsern Kirchen vnd Schulen
 anrichten vnd stifften / In massen Wir auch sol-
 ches zu dulden vnd zu zusehen / gar nicht gemais-
 net.

Weil wir auch nicht one sonderliche
 Vergebung / vnser angemasten billichen
 B Kommerz /

Kommers / denen Wir in diesen sachen / die zeit
ober gehabt / in dieser Verhör vernommen / Das
nicht zweyung in den Artickeln des Christlichen
Glaubens / sondern viel mehr ein Mißuerstand /
welcher auch vorbitterung bald mit sich bringet /
eingefallen : So ist vnser endlicher vnd ernster
Befehl / das man hinforder gegen einander mit
Christlicher Liebe vnd Einigkeit / & Spiritu lenitatis
vorfahre / auff den Gankeln / in Schulen / in Heu
fern / in Versamlungen / vnd wo es immer sein kan /
keiner den andern mit Worten verfolge / Sondern
viel lieber / da einem was beschwerlichs vorfiele /
Vns dasselbige vorbringe / so wollen Wir ihme selbst
wissen Rath zuuorschaffen. Wollen vns aber zu
vnsern lieben Prædicanten / Seelsorgern vnd Leh
rern vorsehen / Sie werden sich hierinn Christlich
verhalten / fried vnd einigkeit lieben / vnd des HERRN
Christi spruch ingedenck sein / da er spricht : An
deme wird man erkennen / das ihr meine Jünger
seid / so ihr einander werdet lieben.

In betrachtung dieser vnd dergleichen wicho
tigen Ursachen / wollen Wir vns vorsehen / das
ein jeder seines Ampts vnd beruffs / werde ohne
einführung frembder vnd gefehrlicher Disputation,
vnd weisen zu reden / traw vnd fleissig sein / wie
auch

auch bis anhero geschehen / Uns auch zu keinem
andern vrsach geben : In massen Wir dann hie
mit alles vnnöttig Bezänck vnd widerwillen ende
lich wollen abgeschafft haben / darüber Wir auch zu
halten vermainen.

Als denn auch die zeit vber / zwischen ehlichen
Personen ihres mittels / hin vnd wider / wes von
scharffen Reden vnd Schreiben mit eingefallen /
die vielleicht auch wes weit sich erstrecken möchten /
Doch weil solches am meisten aus bewegnis mag
geschehen sein / so wollen Wir solches hiermit aus
Fürstlicher Macht auffgehoben haben : Erkennen
vnd sprechen / als der rechte Lands Fürst / das es
ihnen allerseits / sampt alle den ihren / an ihren
Ehren / zu keinem nachtail sol gezogen werden. Zu
orkund / mit vnserem hierauff gedruckten Fürstlich
chen Secret vorfertiget : Das da gesche

hen vnd geben ist zu Strelen / den

15. Januarij / Anno

1573.

B ij Von

Von Gottes gna-
den / Wir Georg
Herzog in Schlesien / zur Eignis vnd
Briegt / 2c. Bekennen vnd thun
kund vor jedermenniglich:

Semnach vorschriener zeit / nicht mit
wenig kommer vieler gutherziger Leute/
ebliche Disputationes vnd Streitendel / wegen
der Person Christi / seiner Himelfart / vnd sitzen
zur rechten Gottes / so wol seiner waren gegenwer-
tigkeit im heiligen Abendmal seines Leibs vnd
Bluts / erreget / vnd vnter das arme Volk / schrift-
lich vnd mündlich außgespraget / Das wol zubes-
orgen gewesen / so man der einreissenden Newerung
in zeiten nicht abhelffen würde / das auch bey den
vnsern / was von newer Lehre / so der hellen vnd
klaren warheit des Euangelij zuwider / oberhand
nemen möchte.

Als vns dann nichts liebers in dieser Welt
sein könnte / denn so Wir vnd unsere liebe Vnder-
thanen / neben dem zeitlichen Friede / bey dem wa-
ren

ren erkentnis Gottes/ vnd offenbarten himlischen
 warheit seines Worts/ lauter vnd rein möchten
 gelehret vnd vnterrichtet werden/ auch darinne
 verharrlich verbleiben: So haben Wir nicht
 vnterlassen/ zu abwendung einschleichender Newe-
 rung/ in vnser Stadt Strelen/ den 15. Januarij
 des 73. Jares/ eine Zusamenkunft/ etliche vnser
 vorneme Prædicanten vnd Lehrer (weil eine ge-
 meine Versammlung/ wegen gefehrlicher zeit Ster-
 bens seuche/ anzustellen/ ganz vngelegen war) für-
 zunemen/ Vnd also mit Rath derselben/ aus
 Gottes wort schließlich abgehandelt/ vnd inn
 einen Abschied kommen lassen/ wie es in den vor-
 fallenden Puncten vnd Artickeln/ in vnsern Lan-
 den sol gehalten werden/ Damit wir also bey der
 einigkeit der Augspurgischen Confession, möchten
 verbleiben.

Hetten Vns auch genßlich vorsehen/ es solte
 von menniglich der Vnsern/ demselben Christli-
 cher gehorsam geleistet sein worden. So befin-
 den Wir aber/ das vnser Christlichen Wolmai-
 nung ganz zuwider/ von etlichen der rechte ver-
 stand der wort Christi vom Abendmal mißdeu-
 tet/ vnd die Mündliche geniessung des Leibs vnd
 Bluts des HErrn Christi im Abendmal/ wil
 widersprochen werden/ Desgleichen auch/ das
 B iij die vno

die unwirdigen den Leib vnd Blut Christi nicht
empfangen.

Welches alles Uns zu dulden vnd billichen/
gar nicht gebüren wil: Weil hierdurch andern
gefehrlichen sachen / so vorhin mit grosser mühe
vnd erbeit / durch Göttliche gnad abgewendet
sind / widerumb einzuschleichen / vnd oberhand zu
nemen / vrsach gegeben würde.

Solches aber zuvorhätten / so haben Wir
auff heute dato / die Lehrer vnd Prædican-
ten vnser Briegischen Fürstenthumbs / zu Uns
erfordert / ihnen solche Newerung proponiret, welche
also eintrechtiglich auff nachfolgende meinung ge-
schlossen: Das in dem heiligen Abendmal des
H E X X E N / mit dem Brod vnd Wein / der
ware / wesentliche Leib vnd Blut C H R I S T I /
warhafftig / auch mit dem Munde empfangen / vnd
genossen werde / von Wirdigen vnd Unwirdigen /
doch vsichtbarer / vnentpfündlicher vnd unbegreiff-
licher weise.

In dem aber bestünde der vnterscheid / Das
die Wirdigen durch den Glauben hierbey sich er-
innern der Wohlthaten Christi / durch sein Leyden
vnd sterben erworben / eygnen ihnen dieselben mit
glaubigen

glaubigen Herzen zu/ empfangen hierauff/ als ein
himlisches Pfand vnd Sigill/ dieses heilige Nach-
mal des Leibs vnd Bluts Christi / Dardurch der
HERR Christus mit ihnen/ vnd sie mit Christo
vereiniget werden: Die vnglaubigen aber essen vnd
trincken ihnen selber das Gerichte.

Allda wird gar nicht de modo præsentia Cor-
poris CHRISTI, disputiret vnd erwehnet/
Sondern sol seiner Göttlichen Allmechtigkeit/
heimgestellet sein/ wie solches zugehet. Denn die
warheit dieses Mysterij, vnd Göttlichen geheim-
nis / bloß aus den Worten der Einsetzung / ohne
einwendung einiger vbiquitate Carnis, figurlicher
deutungen oder sonsten Menschlichen speculationen,
solle genommen werden: In massen der Herr
D. Lutherus mit den andern Herrn Præceptoris
bus, auff welche hierinn nicht vnbillich gesehen
wird/ auch hierauff gestimmet / gelehret / vnd ge-
glaubet haben / Des zu folge/ sich auch die Herrn
Theologi, in des Churfürsten zu Sachsen landen/
in diesem 74. Jar/ eben auff die weise vorgliechen
haben / Das also die meinung wol kan vnd sol/
pro Communi & Catholico consensu reformatarum
Ecclesiarum, gehalten werden.

Vnd

¶ Und ob gleich das Mündlich in den Worten
der Einsetzung nicht zu finden/ so gibt es doch die
ganze Action: Denn weil der HERR mit dem
Brod und Wein seinen Leib und Blut darreicht/
befihlet den zu essen und zu trincken/ so leidet es kei-
nen andern verstand/ als das solches auch mit dem
Munde geschehen müsse: Brauchen derhalben dar-
rumb das wort Mündlich/ damit bey so mancherley
gefährlichen Opinionen und Secten/ die reine Lehre
kömme erkennet werden.

¶ Derhalben ob man gleich das wort Münd-
lich/ die zeit vber wenig gebraucht/ so hat man doch
nicht vermainet/ das einiger Mißuerstand dar-
bey verborgen lege/ und die mündliche empfahung
außgeschlossen werden solte oder könnte/ die doch
die ganze handlung dieses heiligen Sacraments/
in ihren klaren Worten des essen und trincken/ mit
sich bringet.

¶ Darumb auch dieses wörtlein (Mündlich)
noch weitter könnte vnterlassen werden/ wenn man
nur bey den Worten der institution Christi/ so wol
bey der Declaration S. Pauli/ da er von den vn-
würdigen (welche es doch nicht anders/ als mit
dem Munde/ weil sie der Geistlichen niessung/ so
mit dem Glauben geschihet/ vnsehig/ empfangen/
vnd

vnd sich daran versündigen / oder schuldig werden) einseitig one figuren / vnd frembder deutungen oder Blossen/ verbleibe.

Weiß wir denn vor Uns selber / (Gott lob) keines andern Uns bewusst sein / des Wir von vnsern Lehrern vnd trewen Seelsorgern / jemals gelehret vnd vnterwiesen worden / Vnd eben diese Christliche wolgegründte mainung auch in vnserm zuvor gegebenem Abschied zu Strelen/ begründet zu sein verhoffen : So wollen Wir denselben / als wer er von wort zu wort alhier inseriret, neben dieser Erklärung fest vnd vnuerbrüchlich gehalten haben.

Befehlen demnach vnsern Christlichen trewen Prædicanten vnd Lehrern vnserer Kirchen vnd Schulen / ob solcher Christlichen wolgegründten Lehre/ fest vnd unwandelbar zu halten/ vnd sich keines weges durch einigerley Kotten vnd Sacramentirische Secten/ wie die immer benant werden möchten / hievon abzuführen lassen : Da aber jemanden / mit Uns vnd den vnsern hierinne zu halten / vngelegen / der wolte viel lieber vnseres Diensts vnd Lehrampts sich enteuffern / vnd

G

Uns

Uns zu anderem einsehen nicht vrsach geben.
Geschehen vnd geben zum Brieg / Vnd vnter
vnsrem hierauff gedrucktem Fürstlichen Secret
schilg vorfertigt / den 10. Decembris

Anno / 16.

M. D. LXXIIII.

Hebet.

Für abwendung aller irriger vnd
Schwermerischer Lehre vnd Opinion / in
allen Artickeln Christliches Glaubens /
vnd sonderlich in der Lehr
von den

Heiligen Sacramenten.

Barmherziger / Barer / Lebendi-
ger GOTT / Vater vnsers HERRN
vnd Heylands Ihesu Christi / der du
zu dieser letzten vnd schrecklichen Zeit /
die heilsame reine Lehre deines lieben Worts vnd
Sacramenten / aus vnaußsprechlicher Güte / zu
vnsrer

unserer Seligkeit/durch deinen Heiligen Geist ge-
offenbaret/ vnd so viel Jar gnediglich bey vns er-
halten:

Ach/ wir Klagen dir jetzt mit hertzlichen
schmerzen vnd seuffzen/ das der leydige Sa-
than/ durch die giftige vnd geschwinde verfelo-
schung der Sacrament-lesterer/ vnd anderer
schendlicher Irgeister/ des besten Schazes/
Kern vnd Herzen trostes/ des waren Leibes vnd
Bluts deines lieben Sones/ vns mit list vnd
gewalt/ sich vnderstehet zu berauben/ Auch den
selben deinen lieben SON seiner Wahrheit vnd
Allmacht zu entsetzen.

Wir erkennen ja vnser Gottlos wesen/
vnd hochstresslichen vndanck/ damit wir solche
straff vnd andere plage wol verdienet/ Erschre-
cken vor diesem deinem gerechten Zorn vnd grim:
Aber vmb deines Namens/ vnd deines lieben
Sones wort/ warheit vnd ehre willen/ er-
barne dich vnser gnediglich/ Vergib vns all
vnser sünde. Samle dir auf vns noch ein
Christliches heufflein/ fördere vnd segene alle
Christliche studia vnd Disciplin, in Kirchen vnd
Schulen/ auff das das reine Liecht deines
Worts doch nicht vertunckelt werde/ noch ver-
lessche: Laß deinen Bund mit vns nicht auff-
hören/

C ij

hören/

101
Hören/ noch den Thron deiner Herrlichkeit ver-
spottet/ oder lenger verlestert werden.

Gedenck an vns **HERR**/ vnd nim dich
vns an/ gib friedliche Regiment vnd Narung/
verstand/ schutz vnd segen/ vnserem Christlichen
vnd gnedigen Landß Fürsten: Behüte vnd
Benedeye **S. J. G.** derselben Gemahl/ Junge
Herrschaft/ Christliche Regierung/ Land vnd
Leute. Bewar vor frembder Herrschaft/
Pestilenz/ vnfriede/ verwüstung: Lindere aus
Gnaden/ die schreckliche vielfaltige not vnd
jammer dieser letzten zeit: Wende von vns abe
Thewrung vnd Hunger. Mache aller Feinde
deines Worts/ vnd der Sacramentirer anschlege
vnd practicken zu nichte/ das vns ihre falsche
Lehre nicht betriege noch verführe: Vnd be-
weise/ das dein **SVA** vberal gegenwertig/
warhafftig vnd Allmechtig sey.

Erhalt vns **HERR** ja dein Wort vnd
liebes Testament/ dasselbe dein Wort ist vnser
Hertzen freude vnd trost/ Denn wir sind ja
nach deinem Namen genennet/ glauben vnd be-
kennen deinen liebsten **SVA**/ trösten vns allein
seiner Gerechtigkeit/ Opffer/ Vorbitt/ Schutz/
vnd

vnd Warheit. Wollen dich auch hie vnd inn
 alle Ewigkeit loben vnd preysen: Unser hertz
 frewet sich sein / vnd wir trawen auff seinen
 heiligen Namen: Deine Güte **HERR** / sey
 ober vns für vnd für / wie wir auff dich hof-
 fen / **AMEN**.

**Ein Gebet vor die Christliche Ju-
 gend / inn diesen letzten zeiten
 im Hause zu sprechen.**

Göttlicher Vater / Ewiger vnd
 Gerechter **GOTT** / der du je vnd alle
 zeit auch aus dem hauffen der Unmün-
 digen vnd Seuglingen / deine Kirche ge-
 samlet hast: Vns selber in der heiligen Tauff / für
 deine liebe Kinderlein aus lautern gnaden ange-
 nommen. Schütze vnd vergleitest vns alle au-
 genblick / durch die wache deiner heiligen Engel /
 wider viel vnzelich vbel: Ruffest vnd lockest vns /
 durch trawer Seelsorger / Eltern / Vormünder /
 vnd Praeceptor mund vnd heilsame vnterweis-
 sung / zu deines lieben Worts vnd Namens erkent-
 nis: In betrachtung dieser ganz Väterlichen
 wolthaten / heben wir arme Wayselein dieses Jams
E iij merthals /

merthals / vnserer Herzen / hende / mund vnd
gesichte / zu dir dem lebendigen Gott vnd Vater
alles trosts vnd gnaden / embsig seuffzender wolo
lest auch vmb vnserer heyls vnd wolfart willen /
die Seligmachende Lehr deines heiligen Euang
gelij / sampt dem brauch der Hochwirdigen
Sacrament / inn diesen Landen rein vnd vnuors
felscht ferner erhalten : Alle Christliche Obrig
keit / Seelsorger / Eltern / ic. segenen / vnd ihr
Hertz regieren / das sie ob der erkandten vnd
bekandten Wahrheit bestendig verbleiben / deines
allerheiligsten Namens ehre in gutter acht hal
ten. Auff das wir vnter solcher Zucht / deinem
Wort vnd Heiligen Geist fleissig gehorsamen /
selig auffgezogen / vnd endlich vnter anderen
Erben deines ewigen Reichs erfunden mögen
werden : Durch **JHESUM** Christum deinen
geliebten **SUN** / vnsern getrawen Heyland
vnd Hohenpriester / Der mit dir in einig
keit des Heiligen Geistes lebet vnd
regieret / warer **GOTT** /
jimmer vnd ewiglich /
AMEN.

Bedruckt zu Breslaw

durch Johann. Scharf-

fenberg.



M. D. LXXVI.

W. D. D.

W. D. D.

W. D. D.

Handwritten text, likely bleed-through from the reverse side of the page. The text is faint and difficult to decipher but appears to be in a historical script.

IVXXXII C 2




AB: 153493

ULB Halle 3
003 249 743




5b,





[Faint, illegible handwritten text on a small paper label affixed to the right edge of the book cover.]





Christliche Bekantnis /
Vom Hochwirdigen Abendmal des waren
Leibs vnd Bluts vnsers HErrn Ihesu
Christi / so wol der Vereinigung der Göttlichen
vnd Menschlichen Natur in dem HErrn
Christo / Auch seiner Himelfart vnd
sitzen zur rechten des Vaters:

Des
Durchlauchtigen Hoch-
gebornen Fürsten vnd Herrn /
Herrn Georgen Herzogen
inn Schlesien / zur Pignitz vnd
Briegk / ꝛc.

Den Herrn Theologen, Pastorn, Prædicanten
oder Lehrern des Seligmachenden Euangelii / inn
seiner S. B. Lande sich darnach Einmütiglich zu richten / in
zweyen Abschieden / als den Ersten zu Strelen / den 15. Janu:
des **1573.** Vnd den andern zum Briegk /
den 10. Decemb. des **1574.** Jars /
vbergeben.

2. Johan. 1.

Wer vbertrit / vnd bleibt nicht inn der Lehre
Christi / der hat keinen Gott.

Ex Liber. J. A. N. 1626